

**BOSHLANG‘ICH SINFLARDA TASVIRIY SAN’AT O‘QITISH  
METODIKASI**

*Yangiboyeva Mohidil Azamat Qizi*

*UrDPI Filologiya va san’at fakulteti*

*Tasviriy san’at va muhandislik grafikasi yo‘nalishi talabasi*

**Annotatsiya:** Ushbu maqolada boshlang‘ich sinf o‘quvchilariga tasviriy san’at fanini o‘qitishda interfaol metodlardan foydalanish haqida ma’lumot berilgan.

**Kalit so‘zlar:** Tasviriy san’at, dars, rasm, ijod, natyurmot, portret, manzara, kompozitsiya, badiiy qurish-yasash.

Boshlang‘ich sinflarda tasviriy san’atni o‘qitishning o‘ziga xos xususiyatlari, avvalo bu sinflardagi ta’lim mazmuni kichik maktab yoshidagi bolalarining yosh xususiyatlari va psixologiyasi, qiziqishi, ulardagи mavjud bilim va qobiliyat hamda layoqatlariga qarab belgilanadi. Ma’lumki, bolalarda tasviriy faoliyatga, xususan rasm chizishga ishtiyooq nihoyatda erta boshlanadi. Uni 2-3 yoshlardan boshlanishi tarixdan ma’lum. Shunisi xarakterliki, bolalar o‘qish va yozishdan ko‘ra rasm chizishni juda yoqtiradilar. Biroq ular chizadigan rasmlarning davomiyligi juda qisqa bo‘ladi, 1-2 minut, ko‘pi bilan 4-5 minutda har qanday rasmni tugallab qo‘yadilar. Bolalar tomonidan chizilgan rasmlar savodli bo‘lmasada, biroq mazmunan biron-bir ko‘rinishni, voqeani yoki buyumni o‘z iqtidorlariga yarasha, ularning xarakterli belgilarini tasvirlay oladilar. Bo‘yoqlar bilan ishlash ularga ma’lum qiyinchiliklar tug‘dirishi sababli ulardan foydalanishni aytarlik xush ko‘rmaydilar. Lekin turli yorqin ranglar bilan bo‘yalgan buyumlar bolalarda katta qiziqish uyg‘otadi. Rasmlari yaxshi chiqmagan holda o‘z ishlaridan ixloslari tez qaytadi. Bunday sharoitda o‘qituvchining bolalarga tez yordam ko‘rsatishi va kayfiyatini ko‘tarishga harakat qilishi foydadan holi bo‘lmaydi. Boshlang‘ich sinf o‘quvchilarining tasviriy faoliyatlarining xarakterli jihatlaridan yana biri ularning chizadigan rasmlarini soddalashtirishga bo‘lgan xarakatlaridir. Ular ayrim narsalarning oldi ko‘rinishini (uy, odam, kitob, soat, portfel) ayrimlarini yon tomonidan (mashina, hayvonlar,

qushlar, baliqlar, bayroqcha v.b.), yana boshqalarini ustki tomonidan (kapalak, barg, ninachi, qo‘ng‘iz v.b.) tasvirlaydilar. Bunga asosiy sabab bu yoshdag‘i bolalar hali narsalarni yorug‘ soya, perspektiv qisqarishi va ularning qoidalarini uncha tushunib yetmaganliklaridir. Bolalar ijodiga xos yana bir jihat bor, u ham bo‘lsa tasvirlarni (buyumlarni) bir-birlarini to‘sib turgan (yoki qisman) holda tasvirlanmaslidir. Chunki bolalar narsalarni doimo butun holda idrok etadilar. Yuqorida qayd qilingan tasviriy faoliyatlarning bu hususiyatlari bolalar tafakkurining konkret, obrazli va emotsiyal tarzda bo‘lishligi bilan bog‘lanadi.

Endi boshlang‘ich sinflarda tasviriy san’at darslarini o‘tkazish metodikasining o‘ziga xos xususiyatlari haqida to‘xtaladigan bo‘lsak avvalo uning quyidagi to‘rt turi qayd qilinishi lozim: 1. Borliqni idrok etish. 2. Badiiy qurish-yasash. 3. Naturaga qarab tasvirlash (naturaga qarab rasm ishlash, naturaga qarab haykal ishlash). 4. Kompozitsion faoliyat. Borliqni idrok etish mashg‘ulotlari 1-4- sindasturida aks etgan bo‘lib, uning maqsadi bolalarni o‘rab olgan borliq haqida, ularagini narsa va hodisalarining tuzilishi, shakli, rangi, o‘lchovlari, o‘lchov nisbatlari haqida tasavvur hosil qilishdir. Chunki, bolalar tevarak-atrofni, ya’ni tabiat, hayvonlar va qushlar olami, hashoratlar va baliqlar, odamlar, obi-havo, predmet va buyumlar, qurilish va transport vositalari haqida yaxshi tasavvurga ega bo‘lganliklari taqdirdagina ularning rasmlarini aniq-ravshan tasvirlaydilar. Borliqni idrok etish mashg‘ulotlarining mazmunidan kelib chiqqan holda amaliyotda ularni o‘rganishi kerak bo‘lgan quyidagi yo‘llar qo‘llaniladi: 1. Buyumni, tabiatni o‘ziga qarab kuzatish orqali o‘rganish. 2. Borliq haqida o‘qituvchining suhbatni orqali o‘rganish. 3. Savol-javob orqali o‘rganish. 4. Borliqni rasmini chizish orqali o‘rganish. 5. O‘qituvchining pedagogik rasmi orqali o‘rganish v.b. O‘qituvchilar uchun namoyish etiladigan narsalar va tasvirlar avvalo mashg‘ulot mavzusi bilan bog‘liq holda bo‘lib, ular o‘z tuzilishi, shakli, rangi, o‘lchovlari bilan sodda, tushunarli, bolalarda his-hayajon uyg‘otadigan bo‘lishligi maqsadga muvofiqdir. Eng muhim, bunday materiallar o‘quvchilarni o‘ylashga majbur etadigan, bolalarni yangi tushunchalar bilan boyitadigan bo‘lishligi muhim.

Quyida borliqni idrok etish mavzusiga doir mashg‘ulot ishlansini beriladi. Dasning mavzusi: Kuzgi tabiat manzarasini idrok etish. Darsning vazifalari: Kuzatuvchanlik, sinchkovlik, diqqat va xotirani o‘sirish. Tabiatdagi go‘zallikni ko‘ra bilishga va qadrlay olishga o‘rgatish. Kuzgi tabiat manzarasining o‘ziga xos xususiyatlari va kuzgi ishlar bilan tanishtirish. Darsning jihozlanishi: Kuz fasli tasvirlangan rasm. Kuzgi ishlarga doir manzara tasviri. Tabiat qo‘yniga sayohat. Uni tashkil etishning imkonini bo‘lmagan taqdirda san’at asarlarining reproduktsiyalaridan foydalanish mumkin. Masalan: O‘.Tansiqboevning “Tog‘da kuz”, Z.Inog‘omovning “Kuz”, N.Karaxanning “Oltin kuz”, I.Haydarovning “Oltin kuz”, H.Basharovning “O‘zbek kuzi. Shaftolilar”, G.Chernuxinning “Farzandlar va nabiralar”, Usta Mo‘minning “Xirmonda” va boshqalar. Bu asarlarning hammasi bilan o‘quvchilarni tanishtirish shart emas. Ulardan ayrimlari (o‘z xohishiga ko‘ra) tanlab olinadi. Darsning mazmuni: Mashg‘ulot asosan ikki yo‘nalishda olib boriladi. Birinchisi, kuzgi tabiat manzarasining xarakterli xususiyatlarini estetik idrok etish, ikkinchisi kuzgi ishlarning o‘ziga xos tomonlari bilan tanishtirish. Bu vazifalarni amalga oshirish maqsadida o‘qituvchi shunday obyektni tanlashi lozimki, bu obyekt ham kuz, ham kuzgi ishlar uchun xarekterli ko‘rinishda bo‘lsin. Dars o‘quvchilarni maktab bog‘i yoki dalaga sayohatga olib chiqish va u yerda amalga oshirilayotgan ishlar bilan tanishtirishdan boshlanadi. Sayohat jarayonida o‘qituvchi bolalar e’tiborini chiroyli kuz manzarasiga jalb etadi. Ularga kuz fasli va bu vaqtdagi o‘zgarishlar haqida so‘zlab beradi: “Bolalar, mana hozir kuz fasli. U niqoyatda chiroyli, chunki, kuzda havo soviy boshlaydi, natijada daraxtlarning barglari o‘z rangini o‘zgartiradi. Ba’zi barglar qizg‘ish tusga kiradi. O‘t-maysalar sarg‘aygan bo‘ladi, qisqasi, ular oltin rangga burkanadilar. Osmonda yengil parcha-parcha bulutlar paydo bo‘ladi. Ertalab kuzgi ekin va o‘tlarning usti oppoq qirov bilan qoplanadi. Yerga to‘kilgan daraxt barglari oyoq ostida shitirildi. Oktyabr oyida kech pishar mevalar terib olinadi va tokdagi shirinshakar uzumlar uzeladi. Yong‘oq qoqiladi. Kechki kartoshka, sabzi, piyoz, lavlagi kabi savzavotlar yig‘ishtirib olinadi. Bunday ishlarni amalga oshirishda o‘quvchilar

ota-onalariga, maktab bog‘ida esa mакtab jamoasiga yordam beradilar. Kuzda shahar va qishloqlarda ko‘chat o‘tkazish oyligi boshlanadi. Bu ishlarda ham bolalar kattalar bilan bir qatorda qatnashadilar. Tahlil jarayonida kuzatilayotgan manzara yuzasidan bolalarga savollar beriladi. Bu savollar quyidagicha bo‘lishi mumkin: -kuzda tabiatda qanday o‘zgarishlar ro‘y beradi? — qarshingizdagи manzarada qanday daraxt turlarini ko‘ryapsiz? -daraxtlarning o‘lchovi bir xilmi? -daraxtlarning shakli bir-biridan qanday farq qilib turibdi? — e’tibor bering, daraxt shoxlarining yo‘g‘onligi bir xilmi? -daraxtlarning tanasi va shox-shabbalarining tuzilishi qanday? -osmonga ham razm soling, uning rangi qanday? -osmondagи bulutlarning shakli yoki rangi qanday (bulutlar bor bo‘lsa)? -o‘t va daraxtlarning rangida farq bormi? -tabiatni kuzatish jarayonida yaxshi taassurot qoldirgan narsa nima? Tabiatni kuzatish jarayonida bolalar ba’zi bir tabiiy materiallarni (urug‘lar, barglar, mayda hashoratlar, ildizlar) kolleksiya uchun yoki tasviriyl ishlar uchun yig‘ishlari mumkin. Uyga bolalarni yashash joylaridagi biron ta oltin rangga kirgan tabiat manzarasini kuzatish vazifa qilib topshiriladi.

Badiiy qurish-yasash ishlarida o‘qituvchi materiallarning xususiyatlari (qattiq, yumshoq, mo‘rt, og‘ir, yengil, yaltiroq, egiluvchan v.b.), ular bilan to‘g‘ri munosabatda bo‘lishlik haqida ham bolalarga yetarlicha va keng tushunchalar berishi kerak bo‘ladi. Turli materiallardan yasalgan narsalarni to‘plab, ularni bolalarga tez-tez namoyish etib turish, ularning ijodkorligini faollashtiradi, tabiiy va tashlandiq materiallardan samarali foydalanishga yo‘naltiradi. Mashg‘ulotlarning samaradorligi bolalarni uyda, ko‘chada, sayohat vaqtida tabiiy va tashlandiq materiallarni ko‘plab yig‘ish hamda maktabga olib kelishga ham bog‘liq. Shuning uchun o‘qituvchi har bir darsda bu haqda bolalarga ko‘rsatma berishi, yangi bajarilgan orginal qurish-yasash ishlaridan ularga ko‘rsatib turishi yaxshi natijalar beradi. Dasr oxirida o‘quvchilarning ishlari namoyish taxtasiga qo‘yiladi va bolalar bilan birgalikda tahlil qilinadi.

## **ADABIYOTLAR RO‘YXATI**

1. Tasviriy san'at. Umumiy o'rta ta'limning davlat ta'lim standarti va o'quv dasturi.-Toshkent: Sharq, 1999.
2. Azimova B. Natyurmort tuzish va tasvirlash metodikasi.—Toshkent: O'qituvchi, 1984.
3. Boymetov B. , Tolipov N. Maktabda tasviriy san'at to'garagi. Toshkent, 1995.
4. Bulatov S. Amaliy san'at qisqacha lug'ati.-Toshkent: HBM, 1992.
5. Bulatov S. O'zbek xalq amaliy bezak san'ati.—Toshkent: Mehnat, 1994.
6. Nabiev M. Rangshunoslik.—Toshkent; O'qituvchi, 1995.